讀

風

偶

識

漸風馬載 召南十有四篇 **讀風偶識卷之** 棠乃周人之思召公者召公役於康王之世則此詩作 康昭之際明甚何彼機矣篇中稱平王之 孫則爲東遷以 後詩無疑也以詞意觀之鵲巢三篇乃治內齊家之事 **傳考之鵲巢三篇皆燕射時所歌當為成周盛時所作** 召南十有四篇舊說皆以爲文王之世南國之詩今以經 大名崔远東壁稿 奉金土-石屏門 八陳履和校 於

也至別為南國之詩惟江有氾一篇有明文耳若殷其 游女事相類也何彼穠矣之稱平王與汝墳之憂如燬時 **冤 置 之 日 標 梅 之 迨 吉 野 有 死 唐 之 懷 春 與 南 有 喬 木 之** 類周南關睢之三行露獄訟失宜朝政初衰亦似在周南 然則非但不皆在文王世而亦非盡內國詩矣惟翳虞乃 身 何彼禮矣乃王畿人所作其餘諸篇皆無明文亦難懸定 相近也然則其詩先後固不一時不得皆以為在文王世 時所歌與鵲巢等篇同而反列於後者猶周南之後而 熽

鵝巢 見しり見 之兄弟而親已之兄弟者不知此家乃夫之家此國乃夫 **大凡女子之情多私夫所有為已物不體其夫之心而惟** 之國當視夫之親疎以爲厚薄鳩但居鵲之巢而已不 之巢而鳩居之言此國此家皆夫之所有非已所得私也 鵲巢何以居召南之首也所以教女子使不自私也巢鹅 殿以麟趾也說並見各篇中 已情是狗故有視其前子庶子遠不如已子者有疎其夫 采繁 / 22. . . . 采蘋

問后任前 而不敢少怠也故以此六篇冠於二南之首以明國之當 皆言女子之事惟其所居乃鵲之泉是以采蘋蘩奉宗廟 遂以為鳩巢也必如是然後可以配其夫是以于歸之日 必將有內助之功然後可以無愧於婦職耳大抵召南前 者何生聚之也鵲有巢而鳩居之非但享其成業而已亦 三篇與周南前三篇略相類其首二篇皆言初婚次四篇 百兩御之待之隆者責之重也方之者何量度之也盈之 本於家而以關雎與巢兩篇冠於萬覃采繁諸篇之首以 着るこ

処夫人之徳失之遠矣 莫重於宗廟矣故 舉祭祀而言之也且夫人君媵妾多矣 人所以娶妻者非徒其其安樂也必將有所重責之也婦 明婦之當統於夫古人於此蓋有深意存焉序第以爲后 采然采蘋何以次於鹊巢後也所以教女子使重宗廟也 即士大夫亦不乏人何以獨於妻殊之而與爲敵體誠以 所以事夫者非徒餙其儀容也必將有以重報之也重蓋 同奉宗廟之故故重之也然則爲女子者必與夫爲 一一大ななかり

司是作雷

體夫之心以事夫之宗廟而保之無或失乃足以答夫之 重禮以以祭祀之事諄諄言之其所以警戒女子者深矣! 燕射篇文笙入立於縣中北面乃合樂周南關睢葛覃卷 耳召南鶴巢采蘩采蘋則是采蘋當與鵲巢采蘩相 叉按采頭一篇齊詩在草蟲前今毛詩則在草蟲後據禮

微物也日此古人貴誠之意心春秋傳云風有采蘩采蘋 祭配之事多矣為爼孔碩為豆孔庶何為斤斤於遊蘩之

當反在草蟲之後齊詩之次是也毛詩誤矣

藥之首章以美其舉人之周與人之壹然則是義也亦可 風偶識 通於用人何者沼與沚非難至之地也發與蘇非難得之 也苟能任之則隨事皆可以奏效所謂與八之壹者此 人主苟能求之則隨地皆可以得人所謂舉人之局者此 抑傳又有之素穆公用孟明而修國政以霸西戎則引 則雖沼澗之中蘋蘩之菜皆可以奉宗廟不在於備物也 雅有行章泂酌昭忠信也蓋有誠敬之心凡專致其精潔 也采之用之即可以其公侯之事是知天下未當無 一人後とこ 四

亡者正不小也故二南之始即教之以此所以正其本而 申后廢而周亦以東遷毋以婦人為輕婦人之所關於與 遠也蓋天下之平必由於國治國之治必由於家齊故太 信乎古人之善於說詩屬類可以旁遍而非後世為章句 任思齊太似嗣音而周以與牝鷄司是而商以亡褒妙龍 周南召南何爲皆先言婦人之事也日此先王慮天下之 訓詁者之所能及也 柔其心使不至於敗國而亡家也後世不達此意惟務

草蟲 遺風 偶澈 以 灁 **茚蟲序云大夫妻能以禮自防也箋云未見君子謂在塗** 廟之假位非此義之不明哉馴至唐之武章而禍益烈孩 婦人之情而婦八亦惟欲狗已之志是以西漢有呂氏之 與信乎其如正牆面也 加矣孔子日人而不為周南召南其猶正牆面而立也 其所刈則疎遠之若天下爲已之故物者而不復顧宗 王氏之篡束漢尤以母后專政為常其所親則貴罷之 耳

時也既見謂同**年而食也**余按女待八而行者也女子之 嫁亦有不得已焉故日女心傷悲殆及公子同歸又日女 妻矣寧有不與同年之理而煩女子之過慮乎朱傳以爲 無耻甚矣安在其能以臢自防乎且旣問名納采聘之為 子有行遠父母兄弟今以未得同年為憂已得同年為喜 妻之思夫也小雅與諮園風稱見君子者多矣皆不訓為 大夫行役在外其妻獨居感時物之變而思其君子說為 近是但玩其祠意未見其當為大夫之妻亦未見其必為

甘棠 賈斌馬撒 思其夫車鄰風雨青 詩乎旣不可知其人無寧缺之不必强以命之致失詩人 甘菜序以為美召伯朱傳以為後八思其德愛其樹而不 其甘棠况其子乎則是此詩乃召公既好之後百姓思慕 忍傷按春秋傳云武子之德在民如周人之思召公焉愛 之本意也 而作焉者朱傳之說是也至箋稱召伯驍男女之訟不重 東ドナー 何獨汝墳草蟲在二南中即為思夫

行露 庇幾人而於此聽斷乎朱傳以為或舍甘樂之下得之箋 沒 有家伯春秋有單伯豈必為二伯然後稱伯乎又按召公 **煩勞百姓止含小棠之下而聽斷焉亦非是甘棠之陰能** 與前五篇不類然則獨前四篇爲康王以前詩也 又稱召公為二伯故言伯亦誤宣王時穆公亦稱召伯詩 於康王之世則此詩作於康昭之際明甚自此以下八 葢肯昭王以後之詩是以其事則瑕瑜互見其詞意亦 羔羊

页或用激 康致太平其精明果斷必有大過人者强暴之男將畏罪 不足之交則又兼采劉義余按召公從武王定天下相 列女傳調申女許嫁於酆夫家禮不備而欲迎之女不可 之理安有反將貞女致之獄中者哉且所謂禮未備者儀 之不暇安敢反來訟人即訟矣召公亦必痛懲之而不為 行路序云召伯聽訟也强暴之男不能侵袭貞女也劉 而夫家訟之故女作此詩朱子集傳全用序說而釋室家 乎財乎儀邪男子何惜此區區之勞而必與訟訟之勞不 一个卷之十十 { ; ; 向 成

更甚於儀乎財邪女子何爭此區區之賄而甘入獄婚娶 序傳云云也且此**篇在甘棠之後**召伯旣沒甘棠乃作則 勢廹之不從而因致造謫與訟耳不必定為女子之詩如 而論財又何取焉揆之情理皆不宜有細詳詩意但為 羔羊也余按羔裘大夫常服退食大夫常事初不見有所 羔羊亭云召南之國化文王之政在位皆節像正直德如 此必非女王時詩明矣 **渭節儉正直者鄭箋訓退食為城膳訓自公謂從公以爲** *****

国偶職 事遺我之最耳初無美其節儉正直之意不得遂以爲文 退為城朱伸以為退朝而食於家從公門而出其訓當 直退食之下係以自公狀以委蛇明謂退自公朝豈得 **灾於何見之乎惟朱傳所謂從容自得者於理為近然則** 節儉正直之證然獻可替否乃為正直從君豈得謂之正 此篇特言國家無事大臣得以優游服豫無王事靡監政 然既不用鄭氏之解何以仍襲節儉正直之說節儉正直 王之化也 不多之十十 以

自 蓋 **暇逸乎合觀二詩明係太平日久諸事廢殆之象正如金** 史所云字相背緩語低聲以為發相度以致萬事不理然 者苴得以為文王至治之時詩乎且余嘗見今之爲州 **躲扶弱抑强猶恐有覆盆之未照乃皆退食委蛇優游** 猶 適若無所事事者百姓將何望焉文王之民可謂安矣 無故而述訟獄百姓固已不得其平矣爲大夫者夙與 此二篇皆周道漸衰穆王以後所作故皆次於甘棠之 視民如傷自朝至於日中昃不遑暇食大夫安得 1 1/1

殿其富 護風偶識 者矣或早起晏眠勤於職業則百姓皆得自安於畎畝若 化於是百姓之獄訟日繁大臣之優游養望皆視以爲固 從容服豫而不事事則吏胥作奸强凌弱衆暴寡四境之 此篇序以爲大夫遠行其室家勸以義今玩其詞意但有 然政與詩判然而不相入矣 方不能專對雖多亦奚以為正此謂也自以此為文王之 內莫不差怨故孔子日誦詩三百授之以政不達使於四 不参えて 礼

之詩相知 時 不至以私害公即此見先王之遺澤未遠正與周南桃 然雖思念而無感傷之情怨尤之語則是婦人猶知大義 與經正相悖戾朱子但謂思念其夫無勸以義之意是 為臣之義未得歸也詩明明望其歸而箋反謂勸以不歸 思夫之情絕不見所謂勸義者何在箋謂歸哉歸哉勸以 上距成康之世獨未甚遠也 野有死麕 類雖平平無奇而非後世所能及也然則作詩之 也

贝威姆伦 **序以為天下大亂强暴相陵被支王之化雖當亂世猶惡** 欲以一言定約貞者固如是乎女子之職女紅而已懷春 子貞信白守懼其嫁不及時而有强暴之辱也野有死廣 無禮朱傳從之謂女子貞潔自守詩人因所見而美之也 則心固已蕩矣以男誘女不良莫甚焉何以尚稱爲吉士 余按男先乎女正也以女求男無耻甚矣 見不俟備禮而 乎文王治化旁敷計必先被於男子而後及於女子今如 標梅序以為被女王之化男女得以及時朱傳從之謂女 Markey 11

停傳所言行驚操梅野有死屬三詩男無不强暴者女無 - INIT

不貞潔者何聖人之化感女易而感男難乎蓋此二詩原 古人觸目而會心借物以言情所言者此而其意不必果 吾止也譬如平地雖覆一簣進吾往也此豈爲爲山者言 不作於文王之世其詩意亦必不如序傳之所云者大抵 在此要在讀者善會之耳孔子日譬如爲山未成一簣止

但言松柏矣聖人光果為松柏賦乎況詩之為體尤多假

之乎然猶云譬也孔子曰歲寒然後知松栢之後彫也則

頭鳳鳴織 得盡 序傳所釋則三子之取義為不倫矣然則此二篇者當時 勤子至於他人乎鄭伯享晉趙孟子皮賦野有死屬之卒 于鄭鄭六卿餞之於郊子大叔賦褒裳韓起日起在此敢 **章趙孟賦常棣且日吾兄弟比以安龙也可使無昳若如** 侯故 如晉子展賦將仲子分晉侯乃許歸衞侯晉韓起聘 事以喻其意但取其理之足以相明情之足以相感而不 必有所指但世遠書軼不可考其為何事耳讀者且宜從 執所言者以為實是以春秋傳晉執衛侯鄭伯為衛

小 山. 化也 容涵詠以玩其文理意趣不必定以强暴公行為文王之 小星亭云惠及下也夫人無妬忌之行惠及賤妾進御於 無怨嫡能悔過也文王之時江沱之間有嫡不以其媵佛 數勝遇勞而無怨嫡亦自悔也朱子集傳亦用其說余按 世之盛也上惠恤其下下敬事其上讓於德而循於禮 1 **卯其命有貴賤能盡其心矣江有汜亭云美媵也勤而** 江有汜

賣承馬哉 不能厚施於下而下猶不敢致怨於上安於命而望其改 其意均不可知要之皆足以見先王之化入人之深上 依然忠厚之遺也故此二篇當與周南之樛木螽斯參看 之詩或果媵妾之所自作或士不遇時者託之媵妾以喻 詞意皆在上者不能惠恤其下而在下者能以義命自 有犯之後也悔亦似望其悔者未必其真悔也細玩二 於善而感於恩何至該於命之不同至於以命自解則 上者惠固無以建下而在下者亦未嘗心悅誠服矣即江 がまれて 安 雖 詩

電月イ育 何彼穠矣 旨矣 下者亦無論男子女子雖上之惠不速於下而皆當恪其 讀樛木螽斯者當知爲上者無論男子女子皆當惠愛其 此二詩固瑕瑜不相掩者謂為文王之化盛世之音失其 其事不可有怨尤其上之心其庶乎不愧於讀詩矣然 何彼禮矣一篇明言平王之孫其為東遷後詩無疑鄭 下而後能得其下之愛戴歡悅讀小星江有汜者當知爲 タススコ 則

更人馬北 其其龍盛稱其車服但以肅雖美之則是猶有先代淳樸 仲固已言之矣蓋此詩雖晚作然以王姬下嫁而不後言 之遺是以聖人猶有取焉乃毛傳云平正也武王女文王 且. 可謂之非魯侯同秦伯任好乎王氏安石乃以書之寧王 則經之未嘗言為某王而傳强屬之文王者豈可勝數哉 **孫適齊侯之子夫經明明言為平王而傳猶以為文王然** 稱為平王者謂非平王宜日則其稱為莊公穆公者 比劉氏瑾叉以大雅之稱辟王商碩之稱元王武王曲 W 1024 1 1 1 1 15

削屋伯譜 為之解强詞奪理抑又甚焉何者夫所謂寧王者猶其稱 哲王也所謂辟王者猶其稱君王也可以稱此王亦可以 稱彼王故寧王或以為文或以為武泛稱之則可耳若云 **寧王之孫辟王之孫則不知其果出於何王也古人寧有** 如是不通之文理乎至商以元王稱契未閒相土上甲 之亦為元王也以武王稱陽未聞太甲武丁之亦為武王 異於漢儒之傳軍使文理不通而必欲曲全夫相沿之說 也並得援以為比嗟夫後之人寧叛聖人之經而不肯小 名マー 餕

騶虞 聯嫨毛詩以爲仁獸之名魯詩韓詩則以爲掌鳥獸之官 之不見於春秋者固不知幾何也說詩者不誣經以從傳 與可為長太息者矣且大雅尚書稱文王者無慮百餘何 不强不知以爲知庶乎其可與言詩矣 稱為齊侯之子春秋書之不過以魯為之主故耳其王姬 以不一稱為平王由是言之平王斷斷非文王明矣然以 齊侯之子為齊襄公亦恐未然襄公即位始取王姬不得

護風佛識 **蒙自當以脅韓歐陽之說為正其詩意則序與朱傳皆得** 獸稽之經傳皆無文而傳有縣人虞人之官魯韓之說為 國之詩亦恐未然殷其靁何彼穠矣皆周人之詩何必此 之但未必在文王時耳至傳以此詩在召南中遂以爲南 但言草木禽獸之繁而末忽嘆美於仁獸於文義毫不相 有徵矣且麟趾首句言麟故下言吁嗟麟分此篇前二句 歐陽永叔以魯韓為是而朱傳則用毛說余按騶虞之為 詩定屬之南國乎此與麟趾皆盛世之音然万列於二 神之二

殿二南以見其化之被於子姓而極於昆蟲草木猶十 前而豳風在後也 國風之以二南始以豳風終不可謂 那十二國之詩在 短於二南之首此二篇則皆詠歎成周之盛是以 後者蓋序詩者以關雎鵲巢以下六篇皆王化之基是以 本省之二 取之以 五

追論十三國風 緇衣以好賢開國鷄鳴之勤昧爽蟋蟀之戒逸游皆足以 距成康盛時漸遠故其詩軼者較多且當周初方尚大雅 見君德民風之美何所見其當為變風也者蓋春秋之世 治之世安能有此此固不得謂之變也淇澳以虧聖得 說毛詩者以二南為正風十三國為變風余按七月一 乃周王業之所自基東山破斧敵王所愾勞而不怨非盛 風與小雅皆不甚流傳雅音漸衰而風始著是以衰世 篇

彭屋 個 韻 之三與麟趾騶虞以燕射時所歌故不至於逸耳安得因 詩多盛世詩少初未嘗以正變分也惟二南中關雎鵲集 存豈不勝於漢廣之言秣其馬何所見而彼當爲正此當 無飢渴亦何異於卷耳之寅彼周行出其東門之匪我思 美敝人之正國以及干旄之下賢羔裘之直節無衣之勤 世亦未嘗無碩美之詩若定之方中紀衞文之新政鶂鳩 此數篇遂斷以二南為正風十三國為變風也哉且即衰 王較之行露死廣之詩果熟優而孰劣即君子于役之荷 名之二 考然亦姑從序說吾不知其爲何故也 之變風乎其說是矣然又為變之正之說以斡旋之則是 獨出於詩序緇衣之美武公馴鐵小戏之美襄公亦可謂 年何以前三百年所采殊少後二百年所采甚多周之 周太史巡行之所采也余按克商以後下逮陳靈近五百 舊說周太史掌采列國之風今自 邶 郡以下十二 國風皆 獨未免依違於兩可也朱子亦言正變之說經無明女可 為變乎鄭漁仲云風有正變仲尼未嘗言而他經不載焉

百月有音

侯千八百國何以獨此九國有風可采而其餘皆無之日 - NAK 1 K 1 1.

者必多其民豈無稱功頌德之詞何為盡則其。然而獨存 孔子之所刪也日成康之世治化大行刑措不用諸侯賢 其衰伯禽之治郇伯之功亦卓卓者豈尚不如鄭衞而反

大半而春秋之策王人至魯雖微賤無不書者何以絕不 刪此存彼意何居焉且十二國風中東遷以後之詩居其

出於後人臆度無疑也蓋凡女章一道美斯愛愛斯傳

見有采風之使乃至左傳之廣搜博采而亦無之則此

数風鬼戦 成牢不可破之解無復有人肯考其首尾而正其失者迨 於有宋諸儒甚且以後漢人所作之序命爲周太史之所 揣度而為之說其初本無的據而遞相沿襲遞相祖述遂 太史何以其詩亦傳於後世也大抵漢以路之言詩者多 世者否則遂失傳耳不然兩漢六朝唐宋以來并無采風 遠則漸就湮沒其國崇尚文學而鮮思諱則傳者多反是 天下之常理故有作者即有傳者但世近則人多誦習世 則傳者少小邦弱國偶遇交學之士錄而傳之亦有行於 N. K. A. L. L. に

其事與君無涉則已耳苟事涉於其君不舉其諡則稱 直指為某王者五鄭則二十 世儒皆謂詩序近古其說必有所傳十二國風之中稱為 題古八已往一任後人之加之於伊誰良可慨也 而直指者七乃至秦止十篇而得九曹止四篇而得三惟 美某公刺某公者必某公之事無疑也雖然余實細核之 **邶鄘衞風三十九篇直指為某君者十有七王風十篇** 篇而直指者六唐則十二篇而直指者九陳則十篇 一篇而直指者十有一齊則

養殖馬鄉 者言及其君但云其君儉嗇福急其君儉以能勤君不用 以說焉既果真有所傳何以此二國獨不知其為某公兒 道憂其君刺其君疾其君而已未當一舉其諡若字此何 > 點也已而獨魏風七篇檜風四篇則無一篇直指為某君 槍亡於魯惠之世魏亡於魯閔之世且在齊哀陳幽之後 名與字如泰仲衛徒稱君者百不得三四焉可謂言之整 周齊秦晉鄭衛陳曹之君之諡皆載於春秋傳及史記 一百餘年何以遠者知之歷歷而近者反皆不之知乎蓋 一下ドンニー

| 北郡衛 || 1月八十十 彰彰明矣諺日寅在人前全不會爲會 莫在人前會不 家年表故得以採而附會之此二國者春秋史記之所不 所傳而但就詩詞揣度言之因取春秋傳之事附會之也 載故無從憑空而撰為某君耳然則彼八國者亦非果有 之不能欺也然自有序以來斥其妄者自朱子及鄉無仲 王伯厚以外不多觀焉其亦可怪也夫 風 1 . X . I.A.

吁之難傷已不見答於先君以至困窮也余按春秋傳文, 綠衣以下四篇序皆以爲莊姜之詩綠衣序云衛莊姜傷 絕無莊美失位而不見答之事桓公戴嬀子也而莊美 常事春秋傳中多矣不得以此為不答莊姜證也原序所 **莊公而好德也必無縱妾上曆之事如好色也莊姜之美** 為已子立以為太子非夫婦一體安能得之於莊公且使 已也妾上僧夫人失位而作是詩也日月亭云莊姜邁州 誰能踰之而反使之失位乎至幸嬖人而生子亦人君之 4

11月月

百 百 元 治 元 七 二 一

莊公之不答是以碩人序云莊姜賢而不答終以無子然 以爲是說者無他皆由誤解春秋傳文謂莊姜無子山於 有子無子豈盡在答與不答哉漢薄氏朱李妃皆以一夕

之幸而有子趙飛燕台德專龍嫉妬而卒無子今世夫婦 相愛不忍畜妾而無子者何限乃以莊姜無子遂懸坐莊 公以不答之罪可謂漢庭煆煉之獄矣莊公之失惟駕 正同初不料其後日有弑奪之禍也果縱妄使上僭果 事耳然此特由溺愛而無遠慮與齊僖公之寵無知

4

非止誣莊公抑且誣莊姜而教天下婦人以懟其夫其所 指詞怨而不怒庶不失詩人忠厚之旨乃日月之詩云乃 **公初未當有大昏惑之事也不過說詩者强以加之以蕲** 基果金 **語乎使莊姜果如是則亦無怪莊公之不答矣爲是說者** 其說之相符耳且使莊姜果賢莊公即不見答獨當委婉 答莊姜而使之失位則亦何難廢桓公而立州吁然則莊 關於名教風化者非小事也由是言之此二詩者或係婦 如之人分德音無民何至於是彼谷風之棄婦又當作何

一月月イ 官 故 所 八不得志於夫者所作其所處之地必有甚難堪者斷 不知 戯 師弟子相授受務巧於說經以期求勝於人而不肯 經者能傅會以他經傳則人驚其淹拂服其論議以為 說有據猶今人於場屋中能剃襲左傳塗抹三禮則考 姜詩也濫漢之取士多以經術而毎經有數家之 以為博而拔擢之不復問其經旨之合與否也是 如是本無足怪而後之人遂奉以爲不刊之論致 猶今人之致力於講章求工於舉業以期得萬 AT IX

捐女子之嫁者言之未聞有稱大歸爲于歸者恐係衞女 燕燕序云衞莊姜送歸妾也箋云完立而母呼殺之戴奶 其為何故也說並見後燕熊終風碩人諸條下 嫁於南國而其兄送之之詩絕不類莊姜戴嬀事也自莊 有惜別之意絶無感時悲遇之情而詩稱之子于歸者皆 於是大歸莊姜遠送於野作詩以見志余按此篇之文但 篇皆從序說且併稻舟一 人之受誣幾二千年而不能自則大誤矣乃朱子於此數 一篇亦疑以爲莊姜之詩吾不知

爾盾作前 名と

之弑州吁之殺絕無一語及於莊姜戴嬀若無二人然者 為戴姆先死而後莊姜以桓公為已子雖未敢必其然然 獻公之出也定姜見於傳其入也敬姒見於傳而記桓公 公之立至是已三十有九年莊姜戴嫣恐不復存史記以 則二人固未必存也且莊姜既以桓公為已子矣莊姜當

姜亦不應遠送於野也又按魯詩韓詩及死女傳皆以此 大歸何以大歸者反在戴媽而古者婦人送迎不出門莊 為定姜所作或以為歐公無禮於定姜故定姜作此或

其娛巳乃日顧我則笑謔渥笑傲此何言也而可以出之 弑君之賊也莊姜婦人不能討則已耳豈當愛之而復望 終風戶云莊姜遭州吁之暴見侮慢不能正也余按州吁 觀之時勢考之皆未有以見其必然蓋皆各以其意揣度 為定義歸其娣送之而作或以為定義送婦作然以詞意 言之是以參差不一皆未可執以為實也說並見前係 果賦此詩 口曰寤言不寐願言則懷此何人也而可以存此心莊 何其無恥乎朱子集傳固已覺其不合乃以

問月介言

4 7

終風為指莊公然比之以終風且暴斥之以謔浪笑傲皆

非莊姜所當施之於莊公者且旣謂莊姜不見答於莊公 類是以施之於州吁不合施之於莊公亦不合也竊謂年 矣又何以有顧我則笑之語詳其詞意絕與莊姜之事不

於千載之上說並詳前兩條下 天下之事有我所知有我所不知不可謂有所知者已盡

天下之事而天下之言断無有在我所知之外者也擊

遠事經詩說失傳者多寧可謂我不知不可使古人受誣

陳與宋宋與陳初無隙也何平之有東門之役五日而還 女則大不然凡兩國不相和而為和之日平春秋平莒及 宋則是即春秋曆隱公四年四國伐鄭事也然今考之經 郯卒平鄭衞是也今也衞自伐鄭以媚朱耳而詩乃云平 為是言乎細玩此詩其非州吁伐鄭之事明甚蓋春秋之 不為久也秋而再伐州吁旋死則亦旬月而還師矣而詩 乃日爱居爰處爱喪其馬茍非師老歲淹暴露已久何至 詩序以為衛州吁用兵暴亂使公孫文仲將而不陳與 をおとし ļ F

AL . K. I

始上去平王東遷已四十有九年其間諸侯交兵之事蓋

事凡所言者皆我所知苟取其近似者而附會之嗚乎 多有之但不見於經傳無可考耳我所未知遂謂必無是 何

其謬也且偷有孫氏衞之世卿也故日從孫子仲序乃以 為公孫文仲亦誤朱子詩傳不駁其失以爲或然固巳異

宋而後進兵然則何以不言其後而但言其先或云自夏 矣乃後人之復爲委曲彌縫其說則尤大謬或云先和陳 秋僅隔一 時必帥師在途又聞後命未得班師故也然

1

瓦 現 男 戦 黎之臣子以貴於衞也余按春秋宜公十五年傳文酆舒 殺晉伯姬晉侯將伐之伯宗斥酆舒有五罪而奪黎氏地 式微序云黎侯寓於衞其臣勸以歸也旄邱序云責衞伯 前人之失遂不願其說之不通古人之詩其晦於後人之 也狄人廹逐黎侯黎侯寓於衞衞不能修方伯連帥之職 說詩者豈可勝道哉 **匝旬而至尉矣何至歷三月而猶未歸乎嗟夫但欲曲護** 春秋何以兩書伐鄭且衞與鄭數百里耳五日而還不 MAAII 1 盖太

百月八百 居其一 十年黎侯何由得寄於衞獨亦安能復黎之國乎其時不 失國在魯文宜之世酆舒為政之時上距衞之渡河已 東方欲西歸而反以不東爲解豈非所謂北轅將適楚乎 能歸國而其臣乃勒之衞自宜公以後日就徵弱而狄日 其地不合二也且黎既失國則其故土為狄所據黎侯安 符一也黎在山西衛在山東而詩乃云狐裘蒙茸匪車不 以强大晉文襄之盛且不暇於制狄而奈何以之責衞 焉其年晉侯滅赤狄路氏立黎侯而還則是黎之 ALL Y 數

曲全序說謬矣 之二子爭相為死國人傷而思之作是詩也其事蓋本之 國人惡之而作是詩也二子乘舟序云思伋壽也衞宣公 新臺序云刺衛宜及也納及之雲作新臺于河上而要之 解謂黎侯凡再失國黎侯寓在衞東故云匪車不束欲以 黎侯之事未暇細考遂附會而爲之說耳後人乃强爲之 失之均未可知說毛詩者但見春秋傳有奪黎氏地及立 細 玩詩詞或果有鄰國之君寓於衞或別有所指而傳者

調風 玩二詩之詞與傳所載仪壽之事了不相涉其非此 言乎既至而知其美故奪取之未至而先築臺叉不於 春 於河上遇盜何不言其乘車而獨於其乘舟詠之思之 其蘧除戚施若僧宜公之老且醜者少知名義者肯為是 也以父而奪了妻禽獸行也此真所謂言之醜者乃但笑 莱 而 舟自衛至齊皆遵陸而行特濟水時偶一 秋傳然詩所言殊與傳所載者不類何者仮宣公之子 於河上欲何為者壽死於盜伋始至莽詩何以稱二子 佴 詞 利治之十 乘舟耳既非

國

鼠乱马龙 **平謂烝於夷姜在已為君後乎則宜公在位僅十有九年** 左公子搜右公子職何人不可以立而必立此經亂之人 必不敢而在那又不能且石蜡討賊立君亦必擇其賢者 急之娶少亦當十四五歲早亦當在宣公十六七年之 則宜公卒時壽朔皆尚在襁褓壽安能盜旌而先即朔亦 年石蜡既殺州吁迎於邢而立之而傳稱宣公孫於夷姜 矣然即傅女亦有未可以全信者宣公之立在齊隱公四 **收 謂 孫於夷 姜在為公子時 平 則 當 莊 桓 之世** 1 (1 cm -111 時

薄屋伯爵 不待言矣柘舟以為其姜自暫之詩今玩其詞我儀我特 詩序惟鄘風多得實定之方中經有明文載馳傳有明文 能以無誤況於詩序烏在其可以盡信乎 史臣按月而書者比固未可盡執為實也些夫左傳猶不 入之蓋緣左傳一 **暇辨其是非虛實況此事乃後日所追述非若朝聘侵伐** 不能構急也此乃必無之事昔人固有辨之者矣偶忘 稱之死歷他之語其為婦人守貞不貳之作無疑而 名之ニ **曹乐摘太廣但有所得即綴於篇而** 何為

費風馬蝦 篇而已鄘風凡十篇貞者 詩意但時世則未可知耳唯乐唐說者多疑之說見後條 之雖無確據然玩其詞意與其事正相合序說近是惟傳 鄭風二十 稱母或衞之羣公子所作未可知也蝃蝀以下三篇亦得 以鶉奔爲假惠公之言以刺之尚恐未然觀其稱君而 度而為之說也牆茨偕老鶉奔三篇以宜姜昭伯之事當 兩髦屬之於世子語亦符合此心有所傳而云然非觉 為男女相悅者不下十篇其守正不淫者 をターー **爲淫者** 軠

若公然深斥之痛絕之不一而足則是先王之禮教猶存 風俗所在雖賢人亦無如之何彼既習於程矣而有一守 淑人之無良大無信不知命探斥痛絕至於如是何哉蓋 四篇之多衞俗非鄭所能及也且東門不過自明其志而 民間之風俗未壞賢者多而不肖者少見無禮者羣然怪 正者出焉方且族之笑之求得免焉足矣何敢反以責人 已未嘗敢斥淫者之失而鄘乃云不可道言之醜子之不 之是以絕之斥之而無所忌人亦以爲是而傳而誦之也 1 N. 14. 1

凤瓜再股 篇初不明斥其惡而但云不可逭言之醜不言之刺甚於 右子 俯老鶉奔三篇而知 衛之必亡而 又 外 衛之 必 將 復 吳季札云衞康叔武公之德如是豈不信與吾故讀牆茨 **邺也至其立言之妙則艪浃君子偕老二篇爲艮牆狹一** 言矣君子偕老先從對面着筆而以象服是宜一句跌醒 之美 然後用二語點出主意筆法之巧最耐咀嚼玩味孔子日 不學詩無以言良不誣也相鼠刺無禮儀亦足以見風俗 ||株以111

商人们高 在位相竊妻妾期於幽遠政散民流而不可止呂氏祖謙 詩序云桑中刺奔也衞之公室淫亂男女相奔至於世族 之爲剃固有不加一 類是也嚴氏粲云或以桑中為淫奔者所自作則非所謂 然嘗試玩之則其賦之之人猶在所賦之外豈有將欲 此詩乃淫奔者所自作序之首句以為刺奔誤矣又云詩 止乎禮義矣當從國史所題以爲刺也朱子詩序辨說云 云詩之爲體不同有鋪陳其事不加一 | X 1 X : 1 一詞而意自見者清人猗嗟之屬是已 詞而意自見者此

調見易以 諴 人之惡乃反自為彼人之言以陷身於所刺之中而不自 **戒之言若如是而可以為刺則曹植之洛神賦李商隱之** 而反以勸其惡也余按桑中一篇但有歎美之意絶無規 知也哉又云以是為刺不惟無益殆恐不免於鼓之舞 余谱納核序文比其前後而參閱之同一題為刺而其文 無題詩韓偓之香奩集莫非刺淫者矣夫子虛上林勸 互異新臺以為刺宣公則其交云國人惡之而作是詩南 古人猶以為譏兄有勸而無諷乃反可謂之刺詩乎 1 1 1 1 1 ľ ļ

前庭 而下但言哀公好田獵國人化之習於田獵謂之賢閑於 國風中以垂戒 於後世放開之刺未必果謂作此詩者之 者與新臺南山諸篇之交絕不類疑作序者以錄此詩於 刺舜而下但言衞之公室淫亂男女相奔還序首言刺荒 山以爲刺宜公則其文云大夫遇是惡作詩而去之諸如 言刺時而下但言時不親迎皆無一言及於詩人之刺之 馳逐謂之好丰序肖言刺亂而下但言婚姻道缺著序首 此類序以爲作詩者之刺其君文甚明也若桑中序首言 伯温 名えこ 寻

此為美之乎抑為責之乎疑序亦以錄此詩為美之非以 刺之也飢風序云美孝子也而詩稱有子七人其慰母心 之治惟賴賢才而賢才不易得故人君於賢才不惟當 亦皆當如是正不必曲為說以附會之也 作此詩為美之也靜女有狐之刺時湊有稠繆之刺亂恐 哉吾讀干旄之篇而知衞之所以久存良有由也蓋國家 餘年而遂亡而衞歴春秋及戰國泰叉數百年而始亡何 衛之重封由於齊桓齊桓所封者那與衛也然那僅二

該風側調 患也君子之所以多正由其君好賢因而其卿大夫咸知 之用之而且當鼓之舞之旌旄之賁於沒所以下賢也即 之以政而無不達者矣 下士躬訪賢才於畎畝中以故人皆競於賢耳是知立國 磨而賢才將不勝其用故季札至衞而日衞多君子未有 所以勒賢也下賢則有以咨諏治道勸賢則八皆爭自 之規模未有不在於好賢者讀詩者能以此篇例之則授 碩人序以為閔莊姜之詩謂莊公惑於嬖妾使驕上 巻之二

與傳何從而知之且玩詩詞乃其初至時作當其初至何 恐其過勞烏有所謂憂其不答者哉揆序與傳之意皆由 由 無異說余按此篇凡四章首章言其貴次章言其美三章 大夫風退無使君勞方且代體莊公晏爾新婚之情而惟 言其婚成 四章言其媵衆毫不見有刺莊公之意不知序 **姜賢而不答終以無子國人閱而憂之朱子集傳從之更** 誤解者秋傳文遂并以誤解詩春秋傳云衞莊公娶於 預知異日莊公之不見答以至無子而閔之其三章云

文矣故待其交旣畢然後證之非謂因其無子而後賦此 在答與不答也即嬖人生子亦當在晚節非莊姜歸時已 詩也且春秋傳所記並無莊公不答之事有子無子亦不 東宮得臣之妹日莊姜美而無子衞人所為賦碩人也此 然何故初歸而即不答以致無子乎二與之娶後此矣然 属妈生子孝伯戴妈生子桓公莊美娶於二妈之前何 其無子也若云美衞人所為賦碩人也而無子則語不成 詩次章正言莊姜之美則是以此詩證其美非以此詩證 名之十

獨不見答而無子乎詳序所言與傳了不相合乃朱子云 莊姜賢而不答而閱之則當極言其賢微諷其不答乃但 若不用序以此為美莊姜可乎此大不可解也且詩果以 宜親厚而重歎莊公之昏惑也於三章則云歎今之不然 **侈稱其族之貲色之美車服之盛媵妾之多賢何在焉稱** 此序據春秋傳得之嚴氏粲云題以閔莊姜有左傳可證 但欲曲全序說乃云稱其族類之貴見其爲正嫡小君所 人之賢者固如此乎至於不答則絕無一 1/ 1/2/2 2 2 2 2 語微露之朱子

削風作詞 也詩自言彼傳自言此宛矣夫詩之體雖婉要必其言後 露此意乃可從而暢之若詩絶不言而吾必謂其有此意 不過如飽參軍何嘗果無敵乎何時重與白聚細論詩律 然不過飄然思不羣而已其清新不過如庚期府其後逸 **春日懷李白詩釋之謂甫素輕白云白也之詩號爲無敵** 天下尚有不可附會者乎近世有不喜李白詩者取杜甫 以發其穀也集傳之釋此詩毋乃類是嗟乎不欲攺先儒 之說無寧聽占人之誣孰輕旣重必有能辨之者說並見 光イント

はずしまりん 也詩安得作如是言乎孔氏顯達嚴氏疑固已覺其不食 朱桓公乃卒則喪公之世衞已在河南不待杭河而後度 出歸於衞襄公即位夫人思之而義不可往故作此詩余 集傳因之云衛在河北宋在河南宋桓公夫人生襄公而 按春秋閔公二年狄滅衞衞人渡河而廬於曹僖公九年 河廣序云宋襄丞毋歸於衞思而不止故作是詩也朱子 前綠衣諸詩下 顧不肯變易舊說乃復曲為之解孔氏以爲假有渡者之 1/ 202 2 3 2 1 1

也其夫人思子而能止乎禮則亦賢夫人也以賢夫人而 之假設亦何所取義於河而假之乎嚴氏以爲作於衞未 後世乎是所謂豈徒順之又從而為之辭也且朱桓賢君 之誤已非直道而行之正況欲委曲廻護以誣古人而惑 作此詩一何無趾也蓋序與傳之為此說不過一時失於 詞非喻夫人之嚮宋渡河也然則三百篇中何語不可謂 檢點而忘襄公之立在衛渡河以後學者不肯直挟先儒 遷之前桓公猶在然則夫人非義不可往乃勢不能往其 1 名之十二 **漫風開館** 一个会大十一 自開之詩學者以是為說亦可矣何必誣古人而後足以 出夫人而賢也必無可出之罪無罪而出之又豈賢君之 多也 所為乎余玩此篇詞意似宋女嫁於衞思歸宗國而以義 垂世立教哉朱子最不取序然其本序意以說詩者 伯兮一篇鄭氏以為卽春秋桓五年蔡人衞人陳人從王 賢君何以得出夫婦之義重矣苟非得罪宗廟不至於 鄭之事朱子云詩言自伯之東鄭在衞西不得爲此行

一言人们 矣衛未渡河以前鄭其說是也乃孔氏正義復曲爲之解人不言 言兵至京師乃東行伐鄭京師在衞之西數百餘里豈得 觀容秋傳諸侯會晉伐鄭從未有至晉而後商行者其說 之師從王伐鄭必有約會之地斷無至周而後東行之理 置西不言而反言東天下有如是不通之文理乎況諸侯 其時王室尚未甚微安知其無征伐之事而外征伐之不 之誣亦已明矣蓋自平王之東四十有九年而後入春秋 ·於魯史之策者亦多豈得見有桓王伐鄭一事遂

演風鳥哉 之而不聽者吾不知其誰適為容也故誦此詩有三盆焉 之令人作惡而其人以爲非是不足以逢時至有其夫禁 已膏沐以為夫容而已秦漢以來始有脂粉唐人尤以為 女粧東尚近渾樸近則惟務趨時妖淫怪妄愈出愈奇 重宋元之際加以纒足而天真幾不復存矣余幼時見婦 牽合以附會之哉抑吾於此詩有感爲古之婦女膏沐 則爲人上者知夫婦離别之苦而兵非不得已而不用 則為丈夫者念閩中有甘心首族之人而路柳牆花 一条タエー Ę

三月八十三 牽合以爲別有意在此釋經者之通病也而於說詩尤甚 梳粧以悅觀者之目則庶乎其為不徒誦此詩也已正不 衣裳未具何以樂冬其爲丈夫行役婦人憂念之詩顯然 必取春秋中事以附會之也 有狐木瓜二詩豈非顯明易解者乎狐在淇梁寒將至矣 天下有詞明意顯無待於解而說者惠其易知必欲紆曲 而箋云婦人喪其妃耦欲與人爲室家夫他人無裳與 以介意一 則爲婦人者知膏冰本爲夫容而不可學時

賣私鬼散 處于漕齊桓救而封之遺之車馬器服衞人欲厚報之而 m 但言木瓜之投感人之德者固如是乎且獨於齊有何報 作是詩夫齊桓存衞其德厚矣何以通篇無一 非其夫也木瓜之施輕瓊琚之報重獨以爲不足報而但 何涉婦人如此之無耻乎且何所見之子之必為他人而 五百被廷尉責日君侯欲反邪亞夫日臣所買器乃奉 為永好其為尋常贈答之詩無疑而序云美齊極也衞 乃自以爲瓊琚也漢周亞夫之子爲父治塟具買甲 1/26A11 語及之而

訂儿 1

也 何 謂反吏日君侯縱不反地上即欲反地下耳世之說 ラオスニ

詩者何以異此蓋漢時風氣最尚煆煉無論治經治獄 勝數矣經之煆煉後人何為而皆信之朱子最不信序然 於有狐亦謂寡婦見鰥夫而欲嫁之是朱子亦不以煆 然故日漢庭殿煉之獄獄之殿煉含節於當日者已不可 煉

為非矣古人之冤其遂將終占不白邪唯於木瓜不用 說但疑以為男女৸答之詞尚未敢必其然投桃報李 有之矣木瓜瓊踞施於朋友廣遇之事未嘗不可非若

資風困潮 四篇中衞風僅十篇而言洪者四至第九篇猶云在彼洪 外皆春秋時事而即備了 梁其無渡河以前之詩明甚考衞渡河之日在魯閔公一 此以 **硕人不待言矣其餘諸篇皆與春秋經傳所載衞國之事 嗟子 國狡童狂且之屬必蕩子與游女而後有此語也盯** 以等常贈答視之可也 **所關涉且即風十九篇而毖彼泉水亦流于洪在第** 一名グニー |國風多似春秋以前所作淇澳

年上 讀者但當即詞以求其意此非大義所關正不必强為 風乎則當時固已合之矣然皆各為次序故不能併為 矣故序雕以春秋中事附會之而委曲牽强卒不能合也 樂為之歌比勵衛日吾聞循康叔武公之德如是是其節 者蓋必有說但世遠書軼無從考耳春秋傳季札請觀 惟 **鄘風春秋時詩為多故序説多得之其風所以分為三** 解之也又按舊說以即鄉衛皆般幾內地名北 距春秋之初僅六十年然則其詩在春秋以前者多 117171 周

			الروان المواد	 		TE
員風馬鄉	寶風偶職卷之二終				風有之似	南曰鄘東
1 11 X X X	乙二終				風有之似鄰在東者然疑舊說之誤也	日衞今觀邶衞
	道光四年東陽署中刻	•			自說之誤也	南日